



NUNATSIAVUT
kavamanga Government

KAUJIGATSAK

December 10, 2013
Tagvainak SakKititaugialik

AngajukKâk salutitsivuk NGC-kunik pisisimammata Universal Kulimigolinginnik

Nunatsiavut AngajukKânga Sarah Leo uKajuk pisisimaningit Universal Helicoptersinik Nunatsiavut Group of Companies ikajutsiniattut angijummagimmik ikajullutik angijumik pitsianitsangit Labradorimi Inuit nunalet.

“Una ilanga angijummagik pisinianniusimajuk taimaittunik nunatsuami ilautillugit Inuit,” uKajuk AngajukKâk. “Piunitsamotsijut NGC-kut atuKattaniammata tugâgutimminik pitaKattisigiamut akuninut kenaujaliugutininik ikajuttaugutininik inuKutittini ammalu nunalinni.”

Nutâk kampaniujuk, Universal Helicopters Newfoundland Labradorimilu, maligatsatigut ikajuttigenut âkKitaumajuk NGC-kunut, Tasiujatsoak kenaujakkuvinganut ammalu CAPE kenaujakkuvinganut. Pisinianniusimajuk uKautaulauttuk Montâgimi Happy Valley-Goose Baymi.

“Nakummegumavunga NGC-kunik ammalu nakummelugit ikajusimajut tamatsuminga pitâtisigunnadlutik,” uKajuk AngajukKâk Leo, ilatsigiadluni ajunnamat ilaugunnalaungituk uKautaulagilittilugu Nunatsiavut AngajukKaunet katimajingit katimalaummata Nainimi taitsumanitsainak.

Pitjutigillugit Nunatsiavut Group of Companies

Kaujijautillugu Labradorimi Inuit katillugit Pannaigutingata kenaujakkuvinga, NGC-kut suliatangit sakKititsigiamut kenaujatsanik kenaujakkuvingani Ikajuttaugutilet Labradorimi Inuit Nunamik Satusaijet AngiKatigegutingani namminiKallutik kenaujaliugutimmik, tamânenginnaniattumik namminik kenaujaliugutimmik. NGC suliatangit ilautitsivut imappimi ingiggautinik, aullaigatsanik illunik, sanagiamut, Kaningitumik inuKattajunik aulatsigiamut, sunagalatuinnanik, uKumaittuniutinik, ammalu tingijonik ingiggautinik. NGC sakKititsivuk suliaKautitsanik ammalu ilisimallagijunik suliatanik Labradorimi asinginnilu.

Pitjutigillugu Tasiujatsoak kenaujakkuvinga

Tasiujatsoak kenaujakkuvinga satusattausimajuk, malillugu kenaujakkuvimmut Nalunaikkutak Âprel 30, 2004-mi ammalu ilingajunik Labradorimi Inuit Nunamik Satusaijet AngiKatigegutingani.

Pitjutigillugu CAPE kenaujakkuvinga

CAPE kenaujakkuvinga \$50 miliun dâlait namminigijaujut kenaujaliuttinut piguvalliasonik kenaujanik pigiasittausimajuk ilagenut AngajukKâsuavinik Nittunattuk Paul Martin-imut ammalu 21-nanut Canadami pimmagiujunut kampaninut, immigojut ammalu iluani silatsualimâmi Tungaviujut.

Tusagatsanik Kaujimattisiji:

Bert Pomeroy

Aulatsiji Kaujigatsanik

(709) 896-8582